



Baibulo ja Wanache  
Jikumpela

Apo Mlungu ali  
apanganyisye yosope



Jakulembegwa ni: Edward Hughes

Jakwambulaga ni: Byron Unger; Lazarus

Jajitichidwe ni: Bob Davies; Tammy S.

Jagopolelaga ni: Phiri Williams


Japanganisigwe ni: Bible for Children  
[www.M1914.org](http://www.M1914.org)

©2013 Bible for Children, Inc.

Chikundisyo: Mkwete wukoto wa kulemba kapena  
kwambula ndanoji nambo ngasumisya.




Ana watupanganyisye we wani? Baibulo malowe ga  
Mlungu, gakutusalila katande ka wandu. Kalakala  
mnope, Mlungu wapanganyisye mundu jwandanda  
mkunta Adamu.



Mlungu wampanganyisye kutochela kwilongo-litaka.  
Apo Mlungu piwapepeleje mbepo mwa Adam, wawele  
wa wumi. Wasumanikwe asyene mumgunda  
wakusalala wa Edeni.



Mlungu mkinapanganye Adamu, wapanganyisye  
chilambo chakusalala nikugumbasya ni yindu  
yakusimonjesya.




Panandi panandi Mlungu wapanganyisye malo ga  
matumbi, gatyatyatya, maluwa ga kununjila kwika  
soni yitela yelewu, ijuni yakusalala mang'omba ni  
nyuchi, somba syekulungwa syang'anda mmatope ni  
ngonokono syakutelyesya. Tugambe kuti Mlungu  
wapanganyisye chine chilichose

chichipali-wosopeyene.



Pandanda pene, mkinapanganye  
chine chilichosope, pali  
pangali chilichose, Mlungupe.  
Pali pangali wandu, malo  
niyindu. Pali pangali kandu.  
Pali pangali lilanguka  
kapena chipi. Kwali  
kwangali chikwesya  
kapen chitiwi. Kwali  
kwangali liso kapena  
Malawi. Kwali kwana  
Mlungupe. Juwali  
jwangali ndandililo.  
Yoyo Mlungu watesile!



Pandandililo pene Mlungu  
wapanganyisye kwina ni  
chilambo chapasi.







Ni chilambo chaliji changali  
wuwoneche wusyesyene.  
Chipi chaliji chili  
chigumbele  
posope. Ni  
Mlungu  
watite.  
"kuwe  
lilanguka."



Niyoyo kwaiche kulanguka. Mlungu walikolasile  
lilanguka kuti lisiku nichipi wachikolasile chilo.  
Niyoyo ligulo soni kundawi yaliji lisiku lyandanda.





Lisiku lyawiri, Mlungu walamulile mesi ga mbwani,  
nyasa kuwa pampepe pasi kwinani. Lisiku lya tatu,  
Mlungu watite, "kuwe kwana mkuli." Nipo yatite  
yoyo.



Mlungu soni walamulile kuti kuwe manyasi ni  
maluwa ni mawukutu ni yitela. Nipo  
yatendekwe. ligulo  
soni kundawi yaliji  
lisiku lyatatu.




Mlungu soni wapanganyisye lyuwa, ni  
mwesi ni ndondwa syejinji syakuti  
pangali jwakombola kusiwalanga.  
Ligulo lyayiche soni kundawi  
kuyiche lisiku lya mcheche.




Yawumi ya mnyasa ni somba  
kwisa soni yijuni Mlungu  
wayilinganyisye lisiku  
lya msano. Jwalakwe  
wapanganyisye  
somba syekulungwa ni  
twamwana, ndiwatiwa  
syelewu ngongolo tujuni  
twa mwana twakusalala.  
Mlungu wapanganyisye somba  
syamitundu yelekangane  
kuti yisengweje pachilambo  
ni mnyasa ni mwinani. Yoyo  
ligulo ni kundawi kwayiche  
ali nilisiku lyamsano.



Pambesi payeleyi, Mlungu wawechete soni. Watite,  
"chilambo chikole yawumi..." Mtundu wuliwose wa  
yinyama, tulombo ni yakwawa yosope yapanganyikwe.  
Kwapali ndembo syagwendanya chilambo ni tulumbo  
twa nyasa. Majani, swala syelewu nipo ngwena  
syawukali ni achigotogolo niposoni yiwulu. Mitundu  
josope jayinyama wapanganyisye Mlungu lyele lisiku.




Ligulo soni kundawi yawele  
lisiku lya msano ni chimo.






Mlungu watesile chine chakwe lisiku Iya msano  
ni chimo- chindu chakusosekwa. Chine chilichose  
chaliji mmalo mwake ligongo Iya mundu. Pali  
pana yakulya nambo soni yinyama  
yakumkamusya mundujo. Mlungu ni watite,  
"kwende tupanganye mundu muchilandanyo chetu.  
Jwalakwejo awe mbuje jwa wosope ya pachilambo."



YOYO MLUNGU WAPANGANYISYE MUNDU  
MCHILOSYO CHAKWE; MCHILOSYO CHA  
MLUNGU WAPANGANYISYE JWALAKWE ...



Mlungu wawechete  
kwa Adam. "Mlye  
chilichose  
chimkusaka  
kutyochela  
mumgundamu.  
Nambo kasimlya  
kutyochela mchitela  
chakupeleka wumanyisi  
wayambone ni yakusakala.  
Naga simlye yakutyochela  
mwalakwemu nditu  
timchiwa."




Ambuje Mlungu watite  
soni, "nganikuwa kwambone  
kuti jwamlume awe jika.  
Tinimpanganyisye  
jwakumkamuchisya."  
Mlungu wayiche ni yijuni  
niyinyama yosope kwa  
Adamu, Adamu wayitile  
mena wosopeyene.



Akwendela kuti waliji  
wakalamuka pakutenda  
yalakweyo. Nambo payijuni  
ni yinyama yosopeyo paliji  
pangali jwakwendela kuwa  
mjakwe Adamu.



Mlungu wamgoneche Adamu ligono,  
lyakuwa nalo. Ali atyosisye luwalati lumo  
lwamundu jwamlugonoju, Mlungu  
wapanganyisye jwamkongwe  
kutyochema ku luwalati lwa  
Adamu. Jwamkongwe  
juwapanganisye  
Mlunguju waliji  
nditu jwakwenela  
kuwa mjakwe  
Adamu.



Mlungu wapanganyisye yosopeyene mmasiku msano nalimo. Yoyo Mlungu walijaliwe lisiku lya msano nikawili ni kuwa lisiku lya ku pumula. Mumgunda wa Edeni, Adamu ni Hawa wamkwakwe waliji mkukondwa lusyessyene pakupikanila Mlungu. Mlungu waliji Mbuje gwawo, chisamalilo chawo ni mjawo.



Apo Mlungu ali apanganyisye yosope

Ndano jakutyochela M'malowe ga Mlungu,  
Bayibulo,

jikusimanikwa mu

Ndandililo 1-2

"Chipata cha malowe gawochikusapeleka  
lilanguka." Sabuli 119:130





Pambesi



Ngani sya mbayibulo si sikutusalila ya Mlungu jwetu jwakusimonjesya juwatupanganyisyewe soni jwakusaka kuti mmwe mummanyeye.

Mlungu akumanyilila kuti tutesile yakusakala yakusatendaga sambi. Chilango chasambi ni chiwa, nambo Mlungu akusa mnonyelaga kwakuti watumisye mwanache gwakwe jumpepe, Yesu, kukuwa pa msalaba nikupochela chilango ligongo lyasambi syenu. Ni Yesu wajimwiche kuwawe niwapite kumangwawo kwini. Naga mkukulupilila mwa Yesu nikumwenda jwalakwejo kuti amkululuchile sambi syenu, tachitenda yalakweyo. Tayiche kutama nomwe sambano nimwesoni timchiwa mwajwalakwejo mpaka kalakala.

Naga mkukulupililaga kuti achi  
chili chakuwona, wechetani ayi kwa Mlungu:  
Wakunonyelwa Yesu, ngukulupilila kuti kwele ali Mlungu ni wawele mundu kuti awile sambi syetu, soni sambano ali chijumi. Chonde ayiche muwumi wangu nikungululuchila sambi syangu kuti myoyo mpaka ngole soni wumi wasambano, mkuti lisiku line singawe niwalakwe kundawi syosope. Angamuchisye kuti nakulupilileje wawo nikuwa ni wawo mpela mwana gwawo. Ami.

Walanjeje Bayibulo nikuwecheta ni Mlungu lisiku nilisiku! Yohane 3:16

